


Astrid,

Con ta bai? y un bon siman.

Ricibi dos poesia cu mi a scirbi un inspira ariba e topico ay capitan y e otro pa Belen.

Cu gusto bo comentario.

Saludo,



Atan Lee,

17 di November, 2002.

MUJER DI MI TERA

Ki emocion ta drenta mi, ora
mi tende bo voz rezona, re-
presentado e balor di e mujer
balente, inteligente, trahado,
mama ariba tur cos. Anto den
un forma ejemplar y digno.

Bo ta pone mi para keto, scucha
cu atencion y cu orguyo, e pala-
branan cu ta sali for di mas pro-
fundo di bo corazon. Tin biaha
mi ta pensa, ta di unda tanto
sabiduria? Ta di unda tanto co-
rahe? Ta di unda tanto balentia?
Pero na final ta keda mi, e unico
conclusion di admira bo y sigui
admira bo.

E palabranan cu ta sali for di bo,
den un forma inspira y sigur, pero
ariba tur cos tur dorna, ta duna e
sanger Indian cu ta core den mi be-
nanan mas balor, pa sigui lucha pa
alcansa e metanan, cu nos tur tin.
Corda cu nos ta Arubianonan ba-
lente y trahado y den cada ocasion
bo ta recorda nos ariba nos responsa-
bilidadnan.

Sigui traha, sigui produci, pasobra
mi sa cu bo ta un persona eschoi pa
nos Creador y inspira pa su spirito pa
clama na boz halto loke bo ta sinti
for di mas profundo di bo ser.
E corahe aki ta yena nos cu alegría
di tin meimei di nos un persona asina
especial.
Ken no ta orguyoso di Bo, Belen?. Des-
de awe y pa semper lo mi sigui recorda
bo como e Mujer di nos tera.

Atan Lee,

Un persona cu semper a admira bo.

30 October, 2002

Ay mi capitan conta mi di lama

Como mucha inocente, mi ta para
tur dia canti waaf pa mi mira e bar-
conan sali. Mi so tabata traha mi
fantasianan y mi pensamentonan
ta bai ariba un viaje largo cu ta
hiba mi un destino desconoci.

Den mi mes mi tabata mira e capi-
tan dirigiendo e timon sin rumbo
fijo y mi fantasianan ta sigui
traha. Un dia inesperadamente
mi a tuma mi maleta chikito,
pero yena especialmente cu re-
cuerdonan cu ta toka mi corazon
y mi a tuma rumbo pa waaf.

Cu un voz debil mi a grita e
Capitan. Capitan, mi bon Capi-
tan hiba mi cu bo ariba lama.
Cu un gesto cu casi mi no por
a comprende, e a invita mi pa
mi subi e barco. Tabata reina
un alegria grandi, pero tambe
un triteza, pasobra mi sa cu ki-
zas jamas lo mi bolbe mira e tera
cu tanto mi a stima.

Tur turdi, cu miedo, mi tabata
sinti mi stoma tabata wal ariba
e olanan grandi di lama.
Mi no tabata por a scirbi ni lesa
y mi pasaporte tabata mi unico
salbacion.
Pero esey no a descurasha mi
pa mi tabata meimei di e pianan
di e Capitan cu mi boca yena cu
preguntanan.
Stop mucha, stop, mayan si lo mi
conta bo, asina e batata contesta
mi.

Berdad mayan tabata otro dia y

e mes un preguntanan a sigui
bin padilanti, te cu e Capitan a
fada y dicidi di conta mi e ber-
dadero storianan di e bida mari-
nero.

Mi a susta, mi kier a bula na awa,
mi a cuminsa pensa ariba e tera
grandi cu mi a laga atras, pero
ya tabata laat. Destino lo sigui
carga mi pa futuro, pa historia.

Ariba un bon dia mi tabata tris-
to para, ta mira sin rumbo y di
ripiente mi wowonan ta cai ariba
palmanan cu tabata move den un
solo direccion, tabata parce
atrobe mi a bolbe drenta den
mi mente di fantasianan, pero
tog tabata tin algo cu ta bisa
mi cu e biah a aki si ta berdad.

Tera, nos ta yegando tera, pero
e no ta e tera grandi cu mi
a costumbra cune. E playanan
blanco, e lama cristalino y
e palmanan cu tabata move den
un solo direccion a atrea mi
bista y di ripiente mi a sinti
un paz, un paz profundo.

Esaki ta loke kizas for di mucha
mi tabata busca?

Awa a yena mi wowonan, paso-
bra mi a sinti cu esaki ta mi des-
tino final. Aki ta na unda tur aven-
tura ariba lama a termina.

Mi a sinti mi, mi so, sin rumbo
y sin destino. Apesar di mi
formacion fuerte tog mi no
por a evita di laga lagrima-
nan derama, pensando ariba
e soledad grandi cu mi tabata
pasando aden.

Díanan di tristesa, di nostalgia
a domina, te na momento cu mi
a encontra cu e persona di mi bida,
di mi destino,

Esaki tabata e motibo grandi pa mi a
ancra mi biba ariba e baranca stima aki.
Tera cu despues a bira mi alma,
mi corazon y mi inspiracion pa a
forma un bonita hogar, un bonita
familia.

Despues di ananan mi ta sigui
corda e Capitan cu danki na su
bondad, awe mi ta asina feliz.
Ta mi deseo pa ora mi bai pa
no bolbe mas cu tog mi a laga
mi raiz bon planta den e suelo
cu despues a bira mi segundo
patria.

Ay Capitan conta mi di lama,
storianan cu despues a tira mi
den scochi di Esun cu a ricibi
mi pa tur eternidad, sin preocu-
pa cu mi no por leza, ni scirbi.

Scirbi pa Atan Lee, dedica na su tata Alin Lee.
17 november, 2002